

2020-2021 | საქართველოს ჩემპიონატი

ჭაბუკთა „ა“ ლიგა

1. გათამაშებაში მონაწილეობენ მხოლოდ 2002-2003 წლებში დაბადებული ჭაბუკებით დაკომპლექტებული გუნდები.

1.1 სათამაშო დღეებია პარასკევი, შაბათი და კვირა.

1.2 მოქმედებს ჭაბუკთა წესები. ტაიმი 35 წუთიანია, სინზინი (ყვითლით გაძევება) – 7 წუთიანი.

1.2.1 დამატებით მოქმედებს "მსოფლიო რაგბის" თაოსნობით შემოღებული ფეხით თამაშის საცდელი წესები – 50:22 და 22:50

1.3 ძირითადი დებულების 5.2 მუხლის თანახმად, განაცხადში უნდა ეწეროს მინიმუმ 28 (ოცდა რვა) მოთამაშე. **სალიცენზიო გადასახადი გაუქმდა.**

მატჩის ოქმში გუნდს შეუძლია ჩაწეროს 11 სათადარიგო, ოღონდაც ამათგან თამაშში მონაწილეობის უფლება აქვს მხოლოდ რვას (8)

1.4 სამედიცინო შემოწმება **სავალდებულოა.**

1.4.1 სრკ-ის გამგეობის 2020 წლის 18 თებერვლის გადაწყვეტილებით მოქმედებს სიახლე – სამედიცინო „ლურჯი ბარათის“ (ტვინის შერყევა) საცდელი პროექტი.

მოთამაშისთვის „ლურჯი ბარათის“ ჩვენების უფლება აქვს მხოლოდ მატჩის მთავარ მსაჯს, რომელიც რაგბის კავშირის სამედიცინო სამსახურს სპეციალურად ჰყავს გადამზადებული. ასეთი მსაჯი 35 (ოცდათხუთმეტი) გვყავს.

თუ მსაჯმა მოთამაშეს „ლურჯი ბარათი“ უჩვენა, მოთამაშე მოედანს ტოვებს თამაშის ბოლომდე და უკან ვეღარ დაბრუნება.

„ლურჯ ბარათ“ მიღებული მოთამაშის მაგივრად (განურჩევლად სათამაშო ამპლუისა) გუნდს უფლება აქვს შეიყვანოს სათადარიგო – თუნდაც უკვე გამოცვლილი, და გააგრძელოს თამაში სრული შემადგენლობით.

მატჩის მეთვალყურე ვალდებულია დააფიქსიროს „ლურჯი ბარათით“ გამოცვლილი მოთამაშე თამაშის ოქმში და მას ჩამოართვას სალიცენზიო ბარათი.

„ლურჯ ბარათ“ მიღებული მოთამაშე დაფიქსირდება სრკ-ის სტატ-სამსახურის საიტზე და ავტომატურად დაექვემდებარება „მსოფლიო რაგბის“ მიერ დადგენილ წესს – იუქმებს 19 დლით.

ამ ვადის გასვლის შემდეგ მოთამაშეს დაუბრუნდება სალიცენზიო ბარათი და ამოღებული იქნება „ლურჯი დაფიდან“.

1.5 მატჩის წინ გუნდმა კომისარს უნდა წარუდგინოს მოთამაშეთა ლიცენზიები. ამ საბუთის არ მქონე ჭაბუკი თამაშზე არ დაიშვება.

1.6 გამგეობის 2013 წლის 24 დეკემბრის გადაწყვეტილებისა (ოქმი #9) და სრკ-ის პრეზიდენტის ბრძანების თანახმად – “ა“ ლიგის შესაფერი ლიცენზიის არ-მქონე მწვრთნელის გუნდი შეჯიბრზე არ დაიშვება.

2. მონაწილე გუნდების რაოდენობა: 16

მონაწილენი დაყოფილი არიან ორ დონედ:

ოქროს ჯგუფი (8 გუნდი)

- 1 ლელო თბილისი
- 2 აია ქუთაისი
- 3 ხარები რუსთავი
- 4 ხვამლი თბილისი
- 5 არესი ქუთაისი
- 6 ლოკომოტივი თბილისი
- 7 არმაზი მარნეული
- 8 ბათუმი ბათუმი

ვერცხლის ჯგუფები (3+5 = 8 გუნდი)

დასავლეთი

- 1 არწივები ზესტაფონი
- 2 ზუგდიდი ზუგდიდი
- 3 ბაგრატი ქუთაისი

აღმოსავლეთი

- 1 აკადემია თბილისი
- 2 ყოჩები ბოლნისი
- 3 იუნკერები კიკეთი
- 4 წიქარა თბილისი
- 5 ლაშარი თბილისი

3. გათამაშების სისტემა

შეჯიბრება ორივე დონეზე ტარდება ორ ეტაპად.

3.1 I ეტაპზე ჯგუფებში – ვერცხლის დასავლეთის გარდა – იმართება ორ წრე: მიმოსვლით – შინ და გარეთ.

3.1.1 ვერცხლის დასავლეთში 3.1 მუხლში ნახსენები ორის შემდეგ გაიმართება მესამე წრეც შემდეგი სქემით:

#2 – #3, #3 – #1, #1 – #2 (აქ # ორი წრის შემდეგ დაკავებული ადგილია)

ცხრილებში ადგილები ნაწილდება დაგროვილი ქულებით.

3.1.2 თუ ორ ან მეტ გუნდს დაუგროვდა **ტოლი ქულა**, დაწინაურდება ის:

ა) რომელმაც დააგროვა მეტი (საცხრილო) ქულა ურთიერთ შეხვედრებში,

ბ) რომელსაც გატანილი და გაშვებული ქულების (ბურთების) უკეთესი სხვაობა აქვს ურთიერთ შეხვედრებში,

გ) რომელსაც გატანილი და გაშვებული ლელოების უკეთესი სხვაობა აქვს ურთიერთ შეხვედრებში,

დ) რომელსაც გატანილი და გაშვებული ქულების (ბურთების) უკეთესი სხვაობა აქვს ყველა მატჩში,

ე) რომელსაც გატანილი და გაშვებული ლელოების უკეთესი სხვაობა აქვს ყველა მატჩში,

ვ) რომელმაც ნაკლები დისციპლინარული სასჯელი (ჯერ წითელი, მერე ყვითელი ბარათი) მიიღო ყველა მატჩში.

3.1.3 ვერცხლის დონეზე ორ წრეს მოჰყვება **საკლასიფიკაციო მატჩები**, რომელთა შედეგად ყველა გუნდს მიეჩინება ადგილი ვერცხლის დონეზე.

3.1.3.1 დას 1 - აღმ 1 | დას 2 - აღმ 2 | დას 3 - აღმ 3 წყვილები ორჯერ – შინ და გარეთ თამაშობენ.

პირველი მატჩის მასპინძელი ირჩევა წილისყრით. გამარჯვებული ჯამური ანგარიშით ვლინდება. ბონუსები არ ირიცხება.

3.1.3.2 ჯამურ ფრეზე გამარჯვებულად ცხადდება გუნდი:

ა) რომელმაც მეტი ლელო გაიტანა ამ მატჩ(ებ)ში,

ბ) რომელმაც ნაკლები დისციპლინარული სასჯელი (ჯერ წითელი, მერე ყვითელი ბარათი) მიიღო ამ მატჩებში,

გ) რომელიც მოიგებს მეორე მატჩის შემდეგ დანიშნულ **შუთაუთს** (5 დარტყმა მიწიდან, 22-მეტრა ხაზზე, სამი ადგილიდან)

3.2 **II ეტაპზე – პლეი-ოფში** – ოლიმპიური სისტემით ვლინდება ჩემპიონი და პრიზიორები, და ნაწილდება ყველა ადგილი.

3.2.1 ოქროს პლეი-ოფში ითამაშებენ I ეტაპის შედეგად:


ოქროს ჯგუფში I – VI ადგილებზე გასულები (ნომრებად მიენიჭებათ 1 – 6) და ვერცხლის დონეზე I – II ადგილებზე გასულები (ნომრები 7 და 8)

3.2.2 ვერცხლის პლეი-ოფში ითამაშებენ I ეტაპის შედეგად:

ოქროს ჯგუფში VII – VIII ადგილებზე გასულები (ნომრებად მიენიჭებათ 1 და 2) და ვერცხლის დონეზე III – VIII ადგილებზე გასულები (ნომრები 3 – 8)

3.2.3 შემდეგ, 2021 - 2022 სეზონში ოქროს ჯგუფს შეადგენენ **2020 - 2021 სეზონის ოქროს პლეი-ოფის მონაწილენი**, ხოლო ვერცხლის დონეს – ყველა სხვა.

3.3 პლეი-ოფები ტარდება კლასიკური სქემით:



3.3.0 ნომრები პლეი-ოფის განმავლობაში უცვლელია. ყოველ მომდევნო რაუნდში წინას მოგებულნი უწყვილდება მოგებულს და წაგებულნი – წაგებულს.

3.3.1 რაუნდი სამია: მეოთხედ-ფინალი, ნახევარ-ფინალი და ფინალი.

3.3.2 მეოთხედ-ფინალსა და ნახევარ-ფინალში წყვილები ორჯერ – შინ და გარეთ თამაშობენ. პირველ მატჩში მასპინძელია უარეს (მეტ) ნომრიანი გუნდი. გამარჯვებული ჯამური ანგარიშით ვლინდება. ბონუსები არ ირიცხება.

3.3.3 ფინალებში თითო მატჩია – მასპინძელია უკეთეს (ნაკლებ) ნომრიანი.

3.3.4 (ჯამურ) ფრეზე გამარჯვებულად ცხადდება ის გუნდი:

ა) რომელმაც მეტი ლელო გაიტანა ამ მატჩ(ებ)ში,

ბ) რომელმაც ნაკლები დისციპლინარული სასჯელი (ჯერ წითელი, მერე ყვითელი ბარათი) მიიღო ამ მატჩ(ებ)ში,

გ) რომელიც მოიგებს მეორე მატჩის (3.3.2) ან ფინალის (3.3.3) შემდეგ დანიშნულ შუთაუთს (5 დარტყმა მიწიდან, 22-მეტრა ხაზზე, სამი ადგილიდან)

4. სავარაუდო ვადები

2020 წლის ოქტომბერი – 2021 წლის მაისი